

Vischnaunca da Breil

Prescripziun executiva tier la lescha cantunala concernent dimora e domicil da burgheis svizzers e digl exteriur

1990

Art.	1	Validad
	2	Actas
	3	Annunzia
	4	Passants
	5	Dimorants
	6	Domiciliai
	7	Jasters
	8	Scret da patria
	9	Partenza
	10	Actas da famiglia
	11	Locataris
	12	Obligaziuns da patruns
	13	Communicaziun
	14	Puniziuns
	15	Vigur

Ultra dallas ordinaziuns cantunalas appartenent dimora e domicil dils burgheis svizzers tenor lescha cantunala dils 20 da matg 1984 ed ordinaziun executorica dils 27 d'uoost 1984 (CD130.200/130250) che han era vigur cumpleina valan las suandontas prescripziuns d'annunzia:

Art. 1

Validad

Tgi che arva sigl intschess dalla vischnaunca da Breil ina fatschentta, ina filiala ni cun exercitar enzatgei semegliant senza prender domicil sto s'annunziar avon l'avertura dil menaschi tier la controlla da habitonts, per mauns dalla suprastonza communal.

Art. 2

Actas

El medem temps ei da deponer igl attest da dimora ni in extract ord il cudisch da commerci dil cantun, el qual la sedia principala sesanfla, sinaquei ch'ei sappi vegnir dau ina premissiun da dimora per fatschenttas.

Art. 3

Annunzia

Mintga Svizzer, burgheis ni buca oriunds dalla vischnaunca da Breil, che vul prender dimora ni domicil ella vischnaunca ha da s'annunziar enteifer 8 dis suenter l'arrivada.

Art. 4

Passants

Passants, personas che stattan buca pli ditg che 3 meins ed han negin aquist drovan negina lubientscha. Il medem vala era per aquistaders ch'ei cheu mo transitoricamein, sil pli denton 1 meins. Ils passants e hosps ston sinscriver enteifer 24 uras el fegl d'avis per mauns dil biro da traffic.

Art. 5

Dimorants

Persunas ch'ei mo duront l'jamna en vischnaunca e che van alla fin da quella regularmein a casa ein dimorants. Els ston haver ina lubientscha da dimorants.

Art. 6

Domiciliai

Domiciliai ein tut las personas che han l'intenziun da habitar pli liung temps en nossa vischnaunca. Els basegnan ina lubientscha da domicil. Quella vegn cumpartida encunter deponer il scret da patria tier la controlla da habitonts.

Art. 7

Jasters, personas digl exteriur, obtegnan la permissiun da domicil cun deponer il passaport tier il cumissariat circuital. Quei sto succeder sur la controlla da habitonts dalla vischnaunca.

Jasters

Art. 8

Il petent sto deponer il scret da patria ni il mussament dalla permissiun da domicil dalla vischnaunca da domicil.

Scret da patria

Art. 9

A caschun dalla partenza sto il possessur retrer sias scartiras.

Partenza

Art. 10

Vul ina famiglia secasar en vischnaunca da Breil sto il cau dalla famiglia presentar mussaments ufficials (cudisch da famiglia ni certificat da naschientscha) concernent las personalias dils commembers da sia famiglia.

Actas da famiglia

Art. 11

Il locatar ni tgi che dat albiert a personas ha d'annunziar l'arrivada e partenza dil locatari ni affitari alla controlla da habitonts enteifer 8 dis. Tier la partenza ei l'adressa exacta dil proxim liug da destinaziun d'indicar. Buca d'annunziar alla controlla da habitonts han hosps da vacanzas ils quals ston annunziar l'arrivada e partenza enteifer 24 uras alla uniun da cura e traffic Breil, tenor artichel 54 dalla lescha cantunala d'ustrias e l'ordinaziun cantunala pertuccont l'annunzia poliziala da hosps (CD618.400 «Verordnung über die polizeiliche Meldung Beherbergter»).

Locataris

Art. 12

Il patrun ha da dar part mintga engaschament e relaschada d'emploiai, luvrers, emprendists e voluntaris enteifer 8 dis, ils quals han buca dimora en vischnaunca.

Obligaziuns da patruns

Art. 13

Patruns e locaturs ein obligai da far attents lur survients a dretg temps sin las prescripziuns da questa ordinaziun.

Communicaziun

Art. 14

Cuntravenziuns a quellas prescripziuns vegnan punidas dalla suprastonza communal sin fundament d'artichel 7 dalla lescha

Puniziuns

cantunala davart dimora e domicil da burgheis svizzers. Dretg ed obligaziun da survegionza tenor questa lescha ei sutamess alla suprastonza communal.

Art. 15

Vigur

Quellas prescripziuns obligatoricas van en vigur suenter esser approbadas dalla Regenza dil cantun Grischun.

L'approbaziun entras la vischnaunca ha giu liug ella radunonza communal diils 26 da schaner 1990.

Breil, ils 26 da schaner 1990

En num dil cussegl da vischnaunca

Il president: Primus Carigiet

Igl actuar: Fridolin Cahenzli

En num dalla suprastonza communal

Il president: Augustin Cathomen

Igl actuar: Adelrich Berther